

2017ko ABENDUAREN 14ko OSOKO
BILKURA ARRUNTAREN LABURPENA

1.- Aurreko bilkurako akta irakurri eta onestea.

2017/11/09ko akta onetsi da.

2. Hasiera batez onestea 2018. urteko ekitaldirako Aurrekontuen Espedientea eta horiek betearazteko oinarriak.

Alkateak gaia azaldu du, eta halaber azaldu du dokumentua amaitu baino lehen hauek azaltzeko eta bere ekarpenak entzuteko Agrupacion Ultzama Udal taldeko Erviti zinegotziarekin bi bilera izan dituztela.

Agrupacion Ultzama udal taldeko Erviti zinegotziak hartu du hitza eta galdetu du ea zergatik ez den gastu gisa agertzen hain kantitate txikia den zuntz optikoa lurperatzeko obrari dagokiona eta idazkariak informatu du kuadeaketari, kontratazioari eta abarri dagokionez, Nafarroako Gobernuaren kolaborazioa eskatu den obra batzuk direla (lankidetzeta-sistema deitzen da).

Sistema honen arabera, Nafarroako Gobernuaren NASERTIC enpresa publikoa bera izango da proiektua eta obrak kontratatuko dituen eta dirulaguntzaren kobrantza kudeatuko duena eta bukaeran diruz ez lagundutako kostuaren diferentziak eragingo dio udalari, aurrekontuetan gastu gisa agertzen den kantitatea dena.

Agrupacion Ultzama Udal taldeko Erviti zinegotziak jarraitu du eta gai zerrendako puntu honi dagokionez bere taldearen aurkako botoa adierazi du, honen inguruko hiru arrazoi argudiatuz: 1.- Pulunpe aldizkariaren alde egiten den ekarpen ekonomikoa gehiegizkotzat hartzen dute. 2.- Ez dute Komunikazio Teknikariaren eta kontratatu den aholkularitza juridikoaren zerbitzuaren gastuaren aldeko iritzia. 3.- Etxebizitzaren birgaitzerako aurreikusitako dirulaguntzaren kantitatea oso baxua dela uste dute.

EH Bildu Ultzama Udal taldeko Picabea zinegotziak laburki honako hau erantzun dio: Birgaitze laguntzetarako ez da kantitate handiagoa esleitu jendeak eskatzen ez dituela egiaztatu baita... eta arrazoi hori dela eta ez beste bat. Pulunpe aldizkariarako ekarpena bere Udal taldeak aspalditik babestu duen kontua da, euskararen erabileraren bultzada bat baita eta etxe guztietara iristen den aldizkari bat da eta onarpen handia du eta gehiago eman ahal izatea gustatuko litzaieke. Biogasaren plantaren azken kudeaketa ematen ari den arazoak ikusirik, aholkularitza juridikoaren gaia egin beharreko gastuzat jo dute.

Komunikazio Teknikariaren gastuaren oposizioaren arrazoiari buruz galdetuta, Agrupacion Ultzama Udal taldeko Erviti zinegotziak erantzun du aurreko legealdietan Udal buletina barne baliabideen bidez egiten zela eta bere taldearen iritzi hau hasieratik mantendu dutela.

EH Bildu Udal taldeko Picabea zinegotziaren aldetik Komunikazio Teknikariaren gastua justifikatu da honako argudioekin: Kontratututako pertsona lan ona egiten ari da, bere lanaren emaitzan ikusten dena (UIA, web orria, sare sozialak,..). 2012an UIAren edizio eta argitalpeneko gastua 9.000 eurokoa zen gutxi gorabehera eta orain 1.200 euro gastatzen dira inprenta/argitalpenegatik bakarrik, ondorioz, asko jaitsi da. Lehen nork mantentzen zuen web orria? Zergatik ez zen konkurtsora atera zeregin hori? Lan hori bere udal taldeko kide bati enkargatzen zitzaion, eta ez zen merkea ateratzen hain zuzen... Horrela esanda, lan hauengatik 2009an 8.376 eta 5.911 euroko bi faktura ordaindu ziren, 2010ean 132 euroko beste bat eta 3.968 euroko beste bat 2011n, orrialdea mantentzeagatik beste batzuek gain...

Gai honi buruz Agrupacion Ultzama Udal taldeko Erviti zinegotziak erantzun du hasierako fakturak web orriaren instalazio edo sorreragatik izango zirela.

Idazkariak, lan hauen legezko kontratazio bat egin zen galdetuta, informatu du ez zela zehazki lehiaketarik egin, legearen barruko zuzeneko esleipena izan zela, orduan kontratuzko indarreko legediak hori baimentzen baitzuen.

EH Bildu Udal taldeko Picabea zinegotziak amaitzeko esan du nahiz eta kasu horretako zuzeneko esleipena legezkoa izan, ikuspuntu etikotik ez zaiola ondo iruditzen.

Udalbatzako kideen artean adostasunik lortu ez dutenez bozketa egin da:

- Aldeko botoak: Martinez Urionabarrenechea, Etxeberria, Doray, Picabea eta Aranguren.
- Aurkako botoak: Erviti, Herranz eta Oyarzun. Botoaren zentzuan justifikatu dute lehen aipatutako arrazoiengatik.

Aurrekoa ikusirik Udalbatzak puntu hau onartu du.

LEHENA.- 2018. urteko ekitaldirako aurrekontu orokor bakarra hasiera batean onartzea.

3. 2018. urteko ekitaldian arautuko duten tasei, prezio publikoei eta udal zergeri dagozkien karga tasak.

Alkateak gaia azaldu du. Halako efektura, izandako aldaketa txikiei buruz ari da, hauen artean kontribuzio zergaren jeitsiera, % 0,17n geratu dena, Agrupacion Ultzama taldearen ordezkariarekin adostu da jeitsiera hau.

Jarraian guztien artean hainbat aspektu aipatu dira eta testuaren inguruko argibide batzuk egin dira, adostutako modu batean, argiago izan dadin eta ez dadin interpretazio zalantzarik egon.... igerilekuko baimenentzako umeen adinak adibidez, eta abar.

Idazkariak, heldu den urtean (2018) zerga eta tasa hauek indarrean egoteko noiz argitarako beharko liratekeen galdetuta, egokiena hauek aurreko osoko bilkuran edo lehenago onartzea izango zela erantzun du... eta orain argitaratuko dela NAOn hasierako onespeneraren iragarkia zerga eta tasa guztiekin, eta legezko epean (30 egun) alegaziorik ez badago, 2018. urtean aplikatuko dira automatikoki. Alegazioak badaude erantzun beharko lirateke eta zerrenda beste osoko bilkura batean definitiboki onartu eta kasu honetan, ustezko alegazio egileentzat, 2017ko zerga eta tasen iraunaldia luzatuko litzateke.

Aho batez onetsi da.

4. Ultzamako Larraintzarko Benta Zentro Zibikoko liburutegiko teknikari laguntzailearen lan kontratua luzatzea 2018ko abenduaren 19ra arte (urte bete).

Alkateak gaia azaldu du.

Aho bate onetsi da.

5. Ultzamako Udalaren informazio eta komunikazio teknikariaren lan kontratua luzatzea 2018ko abenduaren 23ra arte (urte bete).

Alkateak gaia azaldu du.

Agrupacion Ultzama Udal taldeko Erviti zinegotziak hartu du hitza eta gai zerrendako puntu honi dagokionez bere taldearen aurkako botoa adierazi du jada 2. puntuari (aurrekontuak) adierazitako arrazoi berdinegatik.

EH Bildu Udal taldeko Picabea zinegotziaren aldetik eguneko gai zerrendako 2. puntuari eman zaion erantzun bera eman dio laburki.

Idazkariak bertaratutako guztiei, aurten lege agindu bidez, "administrazio elektronikoaren" instalazioa eta abiaraztea aurreikusita dagoela komentatu die, honen arabera espedienteak era telematikoan eraman behar dira, etab, eta prozesu guzti honetan lanpostu hau duen pertsonak funtsezko paper bat izan lezake gainerako langileei erakusten. Ondorioz eta bere iritzia arabera pertsona hau egungo plantillarekin gehiago integratu beharko litzateke eta bere lan espezifikoaren egin beharraz gain (UIA, web orria...), espedienteen eta udal kudeaketaren segimendua egin beharko luke udaletxeko gainerako langileak bezala.

Udalbatzako kideen artean adostasunik lortu ez dutenez bozketa egin da:

- Aldeko botoak: Martinez Urionabarrenechea, Etxeberria, Doray, Picabea eta Aranguren.

- Aurkako botoak: Erviti, Herranz eta Oyarzun. Botoaren zentzuan justifikatu dute lehen aipatutako arrazoiengatik.

Aurrekoa ikusirik Udalbatzak puntu hau onartu du.

6. Ultzamako Udal Plan Orokorreko aldaketa puntualaren (egiturazko determinazioak) espedientea, Gorrontz-Olanoko 1. poligonoko 3030 lurzatiari eta Ordenantzaren 248. artikulua aldatzeari buruzkoa, lurzoru urbanizaezinetako erabilera baimengarriari dagokiena garapen eredu zaintzeko lurzoruaren azpikategoriarekin.

Alkateak gaia azaldu du.

Aho batez onetsi da.

LEHENA.- Hasiera batean onestea Ultzamako Udal Plan Orokorreko aldaketa puntualaren (egiturazko determinazioak) espedientea, Gorrontz-Olanoko 1. poligonoko 3030. lurzatiari eta Ordenantzaren 248. artikulua aldatzeari buruzkoa, lurzoru urbanizaezinetako erabilera baimengarriari dagokiena garapen eredu zaintzeko lurzoruaren azpikategoriarekin, Ultzamako Udalak berak tramitatzea eskatuta, eta halaber egindako parte hartze prozesua, adierazitako Udal teknikarien txostenean ezarritako iritziekin bat.

7. Bailarako kontzejuei Ibilgailuen Zirkulazioaren gaineko Zergari dagokion dirua banatzea.

Alkateak gaia azaldu du.

Aho bate onetsi da.

8. Behin-behinekoz onestea Lizasoko 2. poligonoko 3039. eta 383. lurtzatietan dagoen ULTZAMA Granja-eskola Fundazioarendako plan bereziaren espedientea.

Alkateak gaia azaldu du.

Aho bate onetsi da.

LEHENA.- Behin-behinean Lizasoko 2. poligonoko 3039. eta 383. lurtzatietan dagoen ULTZAMA Granja-eskola Fundazioarendako plan bereziaren espedientea onestea.

9. Ultzamako Alkatetzak 2017ko azaroaren 21ean emandako 224/2017 Ebazpena berrestea honi buruz: "abeltzaintzako mindan oinarriturik argindarra ekoizteko Iraizozko (Ultzama) 12. poligonoko 159. lurzatiko A azpilurzatian kokaturiko plantaren eta Iraizotz, Gorrontz-Olano, Suarbe, Auza eta Orokietako kontzejuetan dauden minda digerituak biltegitratzeko lau hobiren administrazio kontzesioaren kontratuarekin loturiko aktiboaren balorazio espedientea".

Idazkariak gaia azaldu du: Azaroko osoko bilkuran Biogas Plantaren aktiboaren balioespen txostenaren hasierako onespina onartu zen, baita

entitate interesatuen aldetik alegazioak aurkezteko 10 egun balioduneko epearen irekiera.

Behin aipaturiko akodioa jakinarazita interesatutako hauetako bik aipaturiko epea luzatzea eskatu diote Udalari legeak baimentzen duen heinean (epearen ehuneko berrogeita hamar gehiago, hau da, bost egun baliodun gehiago). Idazkaritzaren eta gai honen inguruko aholkularitza juridikoko taldearen (Biderka abokatuak) irizpidea da epe luzatze hau ematea, nahiz eta legeak ez duen Udala horretara behartzen, horrela saihesten baita entitate interesatuek babesgabetasun egoeran utzi zaiela erabiltzea azkenean epaileek arrazoia emateko argudio gisa.

Bertaratutako guztien artean gaia komentatu da eta adostasunik lortu ez dutenez bozketa egin da.

- Aldeko botoak: Martinez Urionabarrenechea, Etxeberria, Doray, Picabea eta Aranguren.
- Abstentzioak: Erviti, Herranz eta Oyarzun.

Aurrekoa ikusirik Udalbatzak puntu hau onartu du.

LEHENA.- Balioespen txostenaren hasierako onespeneren erabakiarik alegazioak aurkezteko epea bost egun baliodun gehiagotan luzatzea.

10. Mozioak

1 mozioa: Abeltzaintzako ustiategietako minda kudeatzeko sistema mankomunatua Ultzamako Biogas Plantari lotuta dauden Suarbeko, Gorrontz-Olanoko, Auzako eta Orokietako biltegiatze hobien erabileraren bidez. Kontzeju horiekin dauden hitzarmenen indarraldiaren luzapena onestea.

Proposamenaren premiaren arrazoia da abeltzainak baltsak erabiltzeko baimentzen dituzten egungo kontratuak hilabete honetan (abendua bukaeran) bukatzen direla, eta Nafarroako Gobernuak abeltzaintza zerbitzuetatik eta INTIAtik jasotako berrien arabera, badirudi beharrezkoa izango dela hobi horiek erabiltzen jarraitzea abeltzaintza ustiategi batzuetan mindaren kudeaketa sistema gisa.

Gaiaren eduki zehatzaren gainean, Martinez Urionabarrenechea Alkateak hartu du hitza eta gainontzeko korporazioko kideei INTIAtik eta Nafarroako Gobernutik gai honen inguruan jaso diren azken berriak azaldu dizkie esanez abeltzaintzako ustiategietako hondakin partikularren kudeaketa planak egiteaz amaitu bada ere, ondorioztatu da beharrezkoa eta ezinbestekoa izaten jarraitu behar duela hobi horiek erabiltzea ustiategi horietako batzuetan. Gauzak horrela, eta kontuan izanik kontratuen epeak orain 2017ko abenduan amaitzen direla, proposatzen dena da hauen iraupena sei hilabete gehiagotan luzatea, ezertan galarazi gabe epe hau amaitu baino lehen ukitutako abeltzainekin edo kontzejuekin beste konponbide zehatz batera iritsi ahal izatea, kasu zehatz bakoitzaren arabera.

Aho batez onetsi da.

Akordioaren testua akta osoan.

LEHENA.- Goian aipaturiko kontzejuen eta Ultzamako Udalaren arteko akordioak eta sinatutako hitzarmenak luzatea; horren bidez, Ultzamako udalari baimena ematen zaio kontzeju horien herrilurretako lurzatietan dauden biltegiratze hobi horien erabileraren lagapen-hartzaile gisa, interesatuta dauden Ultzamako, Odietako eta Basaburuako abeltzaintza ustiapen guztien zerbitzura.

Luzapen honen iraunaldia 2018ko ekainaren 30a arte izango da.

BIGARREN.- Ultzamako Udalaren eta abeltzaintzako hainbat ustiategiren artean ustiategi horietako minda biltegiratzeko erabilerarako baltsen erabilera lagatzeko duten hitzarmenen indarraldia luzatzea

Luzapen honen iraunaldia 2018ko ekainaren 30a arte izango da.

2 Mozioa: Honako entitate sozial eta irabazi asmorik gabekoen dohaintzen onespena: Nafarroako Esklerosi anizkoitzaren ADEMNA elkarteari, Nafarroako suhiltzaileen larrialdi humanitarioen taldeari (HELP-NA), Euskal fondoari (Euskal Toki-erakundeen laguntza elkarte)

Proposamenaren premiaren arrazoia da urtea amaitzeaz gaudela eta udalean irabazi asmorik gabeko hainbat entitate sozialen aldetik hainbat diru-laguntza eskaera jaso direla, eta 2017ko aurrekontuetan horretarako kontu-sailean oraindik 2.300 euro gastatu gabe dagoela.

Gaiaren inguruko eduki zehatzari buruz Martinez Urionabarrenechea Alkateak hartu du hitza eta korporazioko gainerako kideei azaldu die hiru entitateren diru-laguntza eskaerak izanik bere ideia oraindik gastatu gabe dagoen kantitatea hauen artean banatzea dela, hau horrela izanik bakoitzarentzat 766,66 euroko zenbatekoa.

Aho batez onetsi da.

LEHENA.- 766,66 euroko diru laguntza ekonomikoa ematea honako entitate bakoitzari: Nafarroako Esklerosi anizkoitzaren ADEMNA elkarteari, Nafarroako suhiltzaileen larrialdi humanitarioen taldeari (HELP-NA), Euskal fondoari (Euskal Toki-erakundeen laguntza elkarte).

11. Alkatetzaren informazioak.

Agrupacion Ultzama Udal taldeko Erviti zinegotziak Ultzamako Parke Mikologikoari buruzko 220/2017 alkatetzaren ebazpenean datozen ordainketa batzuen justifikazioaren inguruan galdetu du, eta erantzun zaio 2017ko azaroan egin ziren jardunaldi batzuen ingurukoa dela eta Udalak horiengatik diru-laguntza bat jaso zuela eta justifikatu behar zituela gaiarekin loturiko hainbat gauzetara eta zerbitzuetara eta egun honetako ekitaldietara bideratutako gastuak: bazkaria, bidaiak, kilometrajea...

Gainontzean, kontuan hartu dira goian aipaturiko alkatezaren ebazpenak.

12. Exekutiboaren kontrola: Aintzat hartzea Alkatezaren 2017ko 217.ebazpenetik 230.era.

2018ko urtarrileko osoko bilkurari buruz komentatu da hasiera batean ez dela aurreikusten bilkura hori egitea kontuan hartuta osoko bilkura hau noiz egin den eta ez dela aurreikusten beharrezko edo premiazko gairik; hala ere, gairen bat agertzen bada aurreikusitako datan egingo da (hilabeteko lehenengo ostegunean).

Alkatezaren aldetik ez dago informazio gehiagorik.

13. Eskaerak eta Galderak.

Ez da eskaera edo galderarik izan.